

Ukucimfya Ubwesho Ukupitila Muli Yesu Kristu

Abahebere 2:14-18,

“... E ico afwile ukupalana na ba munyina mu fintu fyonse, ukuti abe shimapepo mukalamba uwa luse kabili uwa cishinka mu fya kwa Lesa, ku konsolwele imembu sha bantu. Pantu umo aculile Umwine pa kweshiwa, e mo aishibilo kwafwa abeshiwa.”

Inshita kuti shaba ishakosa. **Lesa talaya ubusanshi bwa maluba ubusuma, lelo Ena alilaya ukusenamina ukwalinga ku bwesho ubuli bonse ubwingamupuma imwe.** Ee mucine, **ukusenamina nakulinga (11 Abena Korinti 12:9-10).** Te uyo uli pa busanshi bwa maluba ubusuma, **lelo Ena alilaya ukusenamina ukucimfya mu bwesho ubuli bonse.** Ilyo lupanda lwafina, Kristu alilaya ukuba na imwe (*Luka 9:23-24*).

Ubushiku bumo ubwa bukata, ilyo fyonse fikapwa, ifwe tukakumanya Wene mu mutende. Lesa, akapela cila umo uwa muli imwe ukupokelela icintu cimo cine. ^[1]

Nomba, tulefwaya ukutontonkanya umutumwa kabili shimapepo umukalamba uwafya kulumbula fyesu, Yesu, ifyo Ena acimfishe ubwesho ubuli bonse (*Abahebere 3:1-2*).

Yesu ali umupwilapo, umuntu umutuntulu. Ena kuti alila ngo muntu, Ena kuti alya ngo muntu, Ena kuti aba ngo muntu. Ena ali umupwilapo, umuntu umutuntulu mu cibumbwa ca buntu Bwakwe. Kabili **mu Mupashi Wakwe, Ena ali umupwilapo, Lesa umutuntulu,** e ico Ena alengele umubili Wakwe ukunakila ku Mupashi uyo uwali muli Wene. Mulemona, Ena alyeshiwe mu musango onse nge

fyo ifwe twaba (*Abahebere 4:14-16*). Ena ali umuntu. Ena alikwete ifyakukabila na mesho ngefyo na ifwe ciba. Baibele itila Ena ali citile. Ena ali umuntu, Ena tali ni malaika ushingeshiwa. Abahebere 2:9-10 itila, Ena ali icefiwe pali ba Malaika. **Ena ali umuntu, umuntu umupwilapo**, icakutila Lesa asendele umuntu umutuntulu ukuleta ukupokololwa ukutuntulu; kabili Ena aiswishe Wene no Mupashi Wakwe; **Mupashi wa Mushilo wali muli Wene ukwabule cipimo. Kabili Ena alyeshiwe ngefyo na ifwe twaba. Kabili Ena ali Lesa umupwilapo.** Ena ashininkishe cena ilyo abushishe abafwa, ilyo aiminike ifya lengwa, babemba abalebuluma ne cipupu icikali (*Mateo 8:23-27*). Ilyo alandile ku fimuti, kabili na fimbipo, fyena fyali munakile Wene (*Marko 11:12-14, 20-21*). **Ena ali ni Lesa mukati.** Kabili Ena nga ali muntu, pantu Ena ali muntu, lelo Ena ali mu butuntulu kabili ali ipele Umwine ngo muntu kuli Lesa **ku mulimo wakwa Lesa.** Kabili **Ena aba icilangililo cesu.** [2]

Ena ali umuntu pabili. Cimo ali umuntu; Umupashi muli Wene wali Lesa. Lesa ali muli Kristu (*11 Abena Korinti 5:17*). **Ena ali Lesa – umuntu.** [3]

Ifwe tuli abaume na banakashi. Ifwe na cimbi tuli Benakristu. **Nga Ena aba icilangililo cesu lekeni twipele umupwilapo fwebene mu maboko ya Mupashi wa Mushilo,** ukutila ifwe twingaba abakwe ku bufumu bwakwa Lesa.

Ena ali umuntu umutuntulu; Ena ali Lesa umutuntulu, lelo Ena atulile ifilundwa Fyakwe ifyacifyalilwa ne filundwa Fyakwe fya mubili, kabili na matontonkanyo Yakwe Umwine, kabili ne fyakucita Fyakwe Umwine, kabili no kusakamana Kwakwe Umwine kabili “Ncita fye cilya ico icitemuna Tata.” Mwacimone co. Ukupokololwa

umupwilapo ukufuma ku bantunse (*Yohane 5:19-22,30*).

[2]

Kabili Iolekesheni, umusango Lesa, pakuba ukubwelelamo mu Mupashi (*Yohane 4:24*), amonekele mu mubili no kusenda icipasho ca buntu ca muntu ukwisaba uwalupwa ku mutundu wa bantunse, ukwishiba ifyo ukucula kupilibula, ukwishiba ifyo ubulwele bupilibula, ukwishiba ifyo ubwesho bupilibula. Lesa aishileba umuntu ukwisaba uwalupwa no muntu, ukulubula umuntu uku mubwesho ku Mwine (*Abena Roma 8:3-4; 11 Abena Korinti 5:21*). Owe, musangonshi, nga kuti wamona fye cilya, we mubembu ilelo, cilingile ukusungulula umutima wenu.

Icintu icilekonkapo Lesa acitile cali ukulangisha cena mu mubili wa buntunse: Kristu (*1 Timoti 3:16*). Lesa ali muli Kristu ukuwikisha isonde ku Mwine (*11 Abena Korinti 5:19*). Ena afyelwe ngo muntu pano, ukulengwa uwalupwa, pakutla engalipila umutengo wa kulubula. Lyena Ena aliipaiwe kulya pakutla ukuti Umupashi Wakwe engakakulwa ukubwekela mu musango wa Mupashi wa Mushilo. Fyonse ifyo Lesa ali Ena apongolwele muli Kristu. Fyonse ifikalamba ifya muyayaya ifyakwa Lesa fyapongolwelwe muli Kristu; kabili fyonse ifyo Kristu ali, Ena apongolwele mu Lukuta (*Yoele 2:28-32; Imilimo ya Batumwa 2:14-21*). Kabili abaume na banakasho baletina ukupoka insambu shabo ishapelwa na Lesa, no kwiminina pa cine ica cena. [4]

Lesa aliishile Umwine, kabili alengelwe umuntunse, kabili aikele ubumi bwa buntu ku fyakukabila fya buntu, kabili ali tanikwe pa Kalbale. Kabili kulya, ilyo Satana Ena tekuti acite cena. Ena teti apite muli bwena. Ena aile ku Gethsemane (*Mateo 27:36-46; Luka 22:39-46*), kabili ubwesho ubuli bonse ubo umuntu uuli onse atalile ukwiminina; Ena alipitile muli bwena kwati fye abantu

bonse; **lelo Ena alipile umutengo.** Kabili cilya e cafishishe isonde ngo muti wakutumbwilako (*Mateo 27:45-53*). Ilyo doctor apela umuntu umuti wa kulala, ena intanshi alamubika panshi ilyo ena talacita cena. Kabili ilyo Lesa apele ukutumbula pa lukuta, isonde lyaishilekwata umuti wa ku sendamika. Ifyacifyalilwa fyali fulunganishiwe.

E mulandu wine, Lesa mu mubili wa buntunse alefwa. Cali ni ora ilyo isonde lyalelollelapo, lelo abengi muli bena taba cishibe cena. **Ngefyo caba ilelo, abengi balalolekesha kuli ifi fintu lelo nomba taba fishiba fyena.** Bena tabeshiba inshila ya kufuminamo. Bena bacili baleesha ukufwaya amangalo ne fintu fya mwi sonde, ukwesha ukusanga inshila yabo iya kufuminamo. [5]

Umwana wakwa Lesa, Umupashi wakwa Lesa, uuli mu muntu. E ico Lesa ali muli Kristu ukwishiba isonde ku Mwine. **Lesa Mupashi** (*Yohane 4:24*). Ena takwete amaboko **mpaka Ena aishileba Yesu.** Ena takwete amakasa, amaboko, amolu, kabili na fimbipo, **mpaka Ena aishileba Yesu.** Takuli umuntu uwa mona Taata pa nshita ili yonse, lelo Uwafyalwa eka na mulangisha Wene (*Yohane 1:18*). **Ena, Lesa, aikele mu mubili wakwa Kristu.** Cena cilingile ukwikasha. Cilingile calenga abantu ukusunguka. Ena nga liikile ukufuma ku mulu, ukwisa fye ukufuma mu minshi yaku mulu, no kuposha kwa ba Malaika bonse, nga Ena alefwaya ukucita. Ena nga alifyelwe umuntu uwafyalwa umukalamba. Ena nga aliikile no kuyemba no bukata bwa ku mulu, lelo Ena tasalile cilya. Ena aishile mu malimba, ukufyalwa ukufuma pa cishala ca citindi. Kabili **Yehoba umunono ukulila mwitanga, Yehoba umunono ukwangala ngo mulumendo, umulumendo umunono ukulwisha ngo muntu, Ena aishile kwata icipasho Cakwe na ifwe.** Lesa aishileba umuntunse (*Abena Filipi 2:6-11*).

Ilyo Yesu Kristu afyelwe, **Lesa ali umuntu pesonde, ukulangisha Lesa, ifyo Ena ali (Abena Kolose 1:15).** Ena alicucutike no kubomba, kabili **aumfwile pa mwana umunono. Ena apitile mu bwesho ubuli bonse ubo tupitamo.** Lesa ali citile cena, pakutila Ena kuti acita ubupingushi Bwakwe umwine umulinganya. Ubupingushi Bwakwe bulingile ukuba umulinganya. Nga takuli umulinganya, busumanshi cicita ukukwata ubupingushi? **Kabili nga takuli ubupingushi ukwabula ukukandwa, lyena tacili ubupingushi nomba (Abena Roma 6:23; Abahebere 2:9; Esaya 53:4-5).** E ico ukukandwa kwa bupingushi Wakwe umwine, no kufwa ngo mubembu, ku kuseka ulubembu ulwe sonde, pakutila ifwe, ukupitila mu mulinganya Wakwe, **twinge katwa ukubwekeshiwa ukubwekela ku cipuna ca bufumu cakwa Lesa mwi senge, nge fyo twacitile mwi bala Iya Edeni.** Nga ilya te Mbila nsuma, nshishibe cena. Cilya cishinka nganshi. **Umusuma Umwana wakwa Lesa. Mucine Lesa ali mu Mwana Wakwe.** [6]

“Wene mu nshiku sha mubili wakwe wa buntunse, pa kuniniko ukulomba no kupapata pamo no kukuta kwa kalanda ne filamba ku wali na maka ya kutula ku mfwa, kabili aumfwilwe pa mulandu wa kutina Lesa; nelyo ali Mwana, asambilile icumfwila kuli ifyo aculileko...” (Abahebere 5:7-9). **Lesa tekuti acule mu Mupashi.** Ena aishileba umubili ku kumfwa **ukukalipwa kwa bulwele, ukumfwa ubwesho bwa lunkumbwa, ukumfwa ubwesho bwa fya kubulisha, ukumfwa ubwesho bwa nsala, ukumfwa amaka ya mfwa.** Pakutila Engasenda cena pa Mwine **ukwiminina mu Mulola wa Mupashi Ukalamba – Yehoba (Umupashi, te muntu, Umupashi),** ukucito ukupapatila kuli ubu bumi. Kabili Yesu asendele cilya pakutila engakwata ukupapatila kuli ifwe, pantu **Ena aliishiba ifyo cena cuumfwika. Ilyo mwalwala, Ena**

aliishiba ifyo mumfwa. Ilyo imwe mwaeshiwa, Ena aliishiba ifyo mumfwa.

Nomba, bushe mwalitala ukumona ilyo twasala kateka, umulimi onse akasala kateka uyo uwalipo umulimi; pantu aliishiba iciputulwa icakosa ica bumi bwa mulimi. **Ena afwaya umuntu uyo uwiluka.**

Kabili ilyo Lesa talati eluke (Wene pakuba Ulya Umukalamba uwa Mushilo)...Musangonshi Ena engatala ukwiluka, panuma Ena asekele umuntu. Ku mushilo Wakwe, Ena asekele umuntu. Kabili inshila fye yeka Ena akatala ukwishiba ifya kulungamika umuntu cali ukwisaba umuntu.

Kabili Lesa afimbile nacisungu kabili wene aletele umubili (*Luka 1:26-38; Esaya 7:14*); te mulopa wa ci Yuda, te mulopa wa Mwinafyalo, lelo Umulopa Wakwe Umwine (*Imilimo ya Batumwa 20:28; Ukusokolola1:5-6*): **Umulopa uwalengwa wakwa Lesa**, te kukumana nakalya muli cena nakalya, takwali ukukabila kwa kukumana. Kabili aka kabulungwa ka Mulopa, kalengelwe munda ya uyu mwanakashi, aletele Umwana. [7]

Musangonshi wali Umulopa wakwa Lesa? **Lesa takwata Umulopa.** musangonshi. **Pa mulandu cali Umulopa wakwa Lesa uwalengwa uo Ena alengele pakutila engatulubula ifwe** (*Abena Kolose 1:12-14*), **kabili alishile no kwikala mu mubili umo wine uo Ena alengele.** Lesa aishile **cula ukweshiwa**; Ena tekuti acule ukweshiwa. Ena aishile cula ubwesho bwa kukumana. Ena ali culilile imisango yonse ya mesho, ku kweshiwa na kasebanya, mu fyuma na maka na malupaka, kabili na fimbipo. Ena aishile cula fyonse filya. Pakutila engacicita, Ena tekuti abe nga Lesa mu mupashi; **Ena ali nokuba Lesa mu mubili** (*Yohane 1:1-5, 14-16*). [8] Ena alisuminishiwe ukweshiwa **lelo Ena tasumine ku bwesho** (*Abahebere 4:15-16*). **Ifwe tuleshiwa kulubembu, lelo tekusumina** (*Mateo 26:41*).

Pantu umweo uuli mukati kesu waba inanga ya cifulo cesu ica Muyayaya, kabili tulekatilila cilya ica mushilo ku mitima yesu. [9]

“Ubumi bwesu tabwaba palwesu, lelo cena caba Umweo wa Mupashi wa Mushilo muli ifwe citulenga ifwe ukuba Abenakristu.” Nalicetekela cilya, ukutula umushipe shipe onse uwa mubili wa Mwinakristu **utungululwa na Mupashi wa Mushilo.** Nalicetekela ukutula amenso yenu yaba. Imwe teti mukanye ilyo mwamona icabipa, lelo nga mwakumbwa cena, imwe na mucita kale ubucende. **Imwe mulapilibula umutwe wenu. Mupashi wa Mushilo ulalenga imwe ukucita cilya.** Bushe cilya cishinka? **Imwe limbi kuti mwaeshiwa. Ubwesho te lubembu. Ukumfwila ku bwesho bwenu lubembu.** Mwamona? Imwe kuti mwaeshiwa. Kristu alyeshiwe nge fyo ifwe twaba, lelo tatalile bembuka. E ico Mupashi wa Mushilo ni Lesa uyo uutwafwa ukuleta icine cakwa Lesa, kabili lyena ifwe tuli amakalata ayalembwa ayabelengwa ku bantu bonse *(11 Abena Korinti 3:1-3).* [10]

“Cisuma, Munyina Branham, ndeshiwa.” Ena ali, nao. **Lelo Ena ali pususha imwe ku mesho.** [11] *“Mwitutwala mukweshiwa, lelo tupokololeni ku mubifi” (Mateo 6:13).* Ububifi bwa bulwele, ububifi bwa kutitikishiwa. Nga lwena lunkumbwa, nga bwena kutemwa, [12] Mwamona, **Ena alicitile cena! Fyena fyonse fyenu.** Ifintu fyonse fyenu, ukupitila muli Yesu Kristu *(1 Abena Korinti 3:23).* Ena alapela imwe ifintu fyonse, ubupe fye. Takuli amalipilo kuli cena, nangu cimo. Cena cenu ino ine nshita nomba. Bushe tamuli abansansa pali cena? Tamuli abasangalala pali Wene? Ukutotela kube kuli Lesa.

Cilya e co ubulayo bwabelapo. Cilya e co ubulayo bwapelelwapo, pakutula mwingaba **impyani ya fintu fyonse,** ukupitila muli Yesu Kristu uyo uwa mu puswishe imwe *(11 Abena Korinti 6:10).* **Ena apuswishe imwe ku**

lubembu, Ena apuswishe imwe ku bulwele, Ena apuswishe imwe ku mfwa, Ena apuswishe imwe kumbo, Ena apuswishe imwe ku nshishi (1 Abena Korinti 15:51-57).

Mwatila, “Lelo ifwe bonse tulaya mu nshishi.” **Lelo inshishi teti itwikatilile ifwe.** Ena aile kuli yena nayo, lelo tekuti mwikatilile Wene, Mucine, yena teti imwikatilile Wene.

Mu Lukuta Iwa kwa Lesa uwa mweo mwaba amaka **ya kundapa ubulwele bonse. Mu Lukuta Iwa kwa Lesa mwaba amaka ukucimfya amesho yonse** (Abena Efese 3:20-21). Mu cikwatwa ca Lukuta Iwa kwa Lesa uwa mweo mwaikala amaka ayakukaka ulubembu no kulu posela ukutali, **no kupokelela ulubatisho Iwa Mupashi wa Mushilo,** mu Lukuta Iwa kwa Yesu Kristu. [11]

Umwakumona:

- [1] “Imilimo ya Mupashi wa Mushilo” (54-1219E), par. 155- 156
- [2] “Ukupokololwa Ukwapwililika” (59-0712), par. 87-89
- [3] “Leken i Tumone Yesu” (59-1129), par. 138-139
- [4] “Amenshi Ya Kupatulwilako” (55-0606), par. E39
- [5] “Bulya Bushiku Pa Kalbale” (60-0925), par. 56-58
- [6] “Tulangisheni Shinwe Elyo Twalapema” (60-0731), par.E57
- [7] “Abahebere Chapter 2 part 3”, par. 288-291
- [8] “Bulesa Bwakwa Yesu Kristu” (49-1225), par. 60
- [9] “Abahebere Chapter 6 part 3” (57-0915M), par. 671
- [10] “Ukubuka” (53-1205), par. E28
- [11] “Ukukwata Impongolo Sha Mulwani” (59-1108), par. 140-143 + 58
- [12] “Mulingile Ukufyalwa Cipya Cipya” (61-1231M), par. 201